

AWIG-AWIG DESA ADAT BUKITJANGKRIK



KELURAHAN SAMPLANGAN
KECAMATAN GIANYAR
KABUPATEN DAERAH TK. II GIANYAR
WARSA 1999

သက္ကရာဇ် ၁၁၀၀



P I D A G I N G

MAKA BANTANG AWIG-AWIG DESA ADAT BUKITJANGKRIK

MURDDHA - CITTA

	WIDANG
PRATHAMA SARGAH ARAN LAN WAWIDANGAN DESA	1
DWITYA SARGAH PATITIS LAN PAMIKUKUH	2
TRITYA SARGAH SUKERTA TATA PAKRAMAN	2
Palet 1 Indik Krama	2
Palet 2 Indik Prajuru / Dulun Deea.....	5
Palet 3 Indik Kukul	6
Palet 4 Indik Paruman	7
Palet 5 Indik Druwen Desa	8
Palet 6 Sukerta Pamitegep	9
Kaping 1 Karang, tegal lan carik ...	9
Kaping 2 Pepayonan	10
Kaping 3 Wewangunan	10
Kaping 4 Wewalungan	11
Kaping 5 Bhaya	11
Kaping 6 Panyanggran Banjar	12
CATHURTAS SARGAH SUKERTA TATA AGAMA	
Palet 1 Indik Dewa Yadnya	13
Palet 2 Indik Resi Yadnya	16
Palet 3 Indik Pitra Yadnya	16
Palet 4 Indik Manusa Yadnya	20
Palet 5 Indik Bhuta Yadnya	20
PANCAMA SARGAH SUKERTA TATA PAWONGAN	
Palet 1 Indik Pawiwahan	22
Palet 2 Indik Nyapian	23
Palet 3 Indik Sentana	24
Palet 4 Indik Warisan	26
SAT SARGAH WICARA LAN PAMIDANDA	
Palet 1 Indik Wicara	28
Palet 2 Indik Pamidanda	28
SAPTAMA SARGAH NGUWAH-NGUWUHIN AWIG - AWIG	29
ASTAMA SARGAH S A M A P T A	30

MURDHA CITTA

AUM, OM

Om Swastyastu, Om Awighnamastu Nama Siddham,

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wisesa, maka jiwaan desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama desa adat Bukitjangkrik .

Pamutus sabha inucap pinaka sepat siku-siku pamatut , wastu prasida prayojanan mami kabeh prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

- (1) Desa Adat Puniki mawasta Desa Adat Bukitjangkrik.
- (2) Jebar kakuwub wawidangannya mawates nyatur :
 - ha. Sisih Wetan ring Desa Adat Sidan;
 - na. Sisih Kulon ring Desa Adat Bukitbatu;
 - ca. Sisih Lor ring Desa Adat Guliang;
 - ra. Sisih Kidul ring Desa Adat Samplangan;
- (3) Desa puniki kawangun antuk karang ayahan Desa lan karang gunakaya kaepah dados 2 (kalih) Tempek, soang-saong :
 - ha. Tempek Tempekan Kangin;
 - na. Tempek Tempekan Kauh;

DWITYA SARGAH.....

DWITYA SARGAH
PATITIS LAN PAMIKUKUH

3
Pawos 2

Desa Adat Bukitjangkrik ngamanggehang pamikukuh minakadi :

- ha. P a n c a s i l a ;
- na. Undang-undang Dasar 1945 pamekas Pasal 18;
- ca. Perda Propinsi Daerah Tingkat I Bali No. 06 Tahun 1986;
- ra. Tri Hita Karana manut sada cara Agama Hindu.

Pawos 3

Luwir Patitis Desa Adat Bukitjangkrik:

- ha. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukertan Desa saha Pawongannya sakala lawan niskala.

TRITYA SARGAH
SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan Desa Adat Bukitjangkrik.
- (2) Sajaba punika sinanggeh tamiyu, sane kabinayang dados kalih inggih punika:
 - ha. Tamiyu sane maagama Hindu;
 - na. Tamiyu siosan ring maagama Hindu.
- (3) Indik anggah ungguhing Tamiyu punika manut pararem.

Pawos 5

Krama Desa Bukitjangkrik wenten 4 (petang) pawos, luwire :

- ha. krama ngarep, inggih punika kula warga sane ngamong karang, carik lan tegal, nema sinemu waris utawi manut pararem;

na. krama.....

- na. krama pangempian/pangele, inggih punika kulawarga sane nenten ngamong karang nanging sampun mawiwaha;
- ca. krama balu, inggih punika krama sane katinggal seda olih lanang utawi istri nyane, utawi sangkaning nyapihan. Krama balu inucap kabinayang dados :
 1. Balu makrambian, inggih punika balu sane maduwe sentana dereng marabian utawi dereng antes ngayah.
 2. Balu ngalisting, inggih punika balu sane tanpa sentana utawi turunan.
- ra. krama-tapukan, inggih punika kulawarga sane ngamong karang utawi nenten ngamong karang sakewanten durung antes ngayah utawi salami kantun masekolah malarapan ilikita pastika saking sekolahnya, manut pararem.

Pawos 6

Ngawit dados Krama Desa kategesang:

- ha. Sangkaning ngamong karang, tur sampun jenek ring karang punika, utawinnya manut pararem;
- na. mawiwit pawiwahan/makulawarga.

Pawos 7

Panamaya tedun makrama Desa:

- ha. nyabran rahina Budha Kliwon Dunggulan saha majalaran antuk paigum saderengnya, arep ring Krama sane ngamong karang ayahan Desa utawi pangarep;
- na. ngantos 6 (nem) sasih arep ring krama pangele saking pawiwahannya tur krama inucap sangkaning lascarya masadok ring Prajuru/Dulu Desa yanin sampun panamaya pacang tedun makrama desa.

Pawos 8

Sahanan Krama Desa keni tategenan luwire :

- ha. ayah ngarep, mapiteges urunan miwah ayahan mamungkul;
- na. ayah pangempian/pangele, mapiteges urunan mamungkul, indik ayahan manut wiguna manut pararem;
- ca. ayah balu, mapiteges ayah miwah urunannya manut kahanan/dudonan balu inucap;
- ra. ayah tapukan, mapiteges keni urunan mamungkul, sajawaning dereng mayusa 17 (pitulas) tiban, dereng mawiwaha, utawi kantun masekolah wenang kaluputang dening ayah-ayahan utawi urunan;
- ka. prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Swadharman Krama, sewosan ring tategenan, luwire :

- ha. Tinut saturut ring sadaging Awig-awig, pararem lan paswasran Desa;

na.

- na. Tan maren ngutsahayang mangda Desane mrasidhayang nyujur manut patitis/ajeg sukerta manut tatujon;
- ca. Tinut saturut ring Guru Wiseesa (Pemerintah).

Pawos 10

Swadharman Tamiyu, luwire 3

- ha. Tinut saturut ring yasa kertin Desane;
- na. Tan piwal ring sadaging Awig-awig, pararem lan paswaran Desa;
- ca. Nyadokang raga ring Prajuru arahina sasampun jumenek malarapan antuk ilikita saking desane pecak utawi sang ngawawenang;
- ra. Yan tan tinut pacang kairid utawi tan kadadosang jumenek ring Desa Adat Bukitjangkrik.

Pawos 11

Piolih-olihan Krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus Desa;
- ca. Kadadosang madeg Prajuru, manut pararem.

Pawos 12

Krama Desa Adat kadadosang inggih punika:

- ha. mapoangkid utawi tan tedun ritatkala:
 - 1) matepetin rare, sungkan, kaluasan, lan siosan manut pararem;
 - 2) kengin tempo wantah apisan, sajawanin wenten wak-wakan saking Prajuru Desa.
- na. nyada, mapiteges ngamademang ayah, risampun mayusa 60-70 warsa tur tan dados nyuksukin;
- ca. nyade, utawi nyuksukin, sane kawenangang risampun manggeh deha-teruna utawi sampun mrasidayang nganutin makrama;
- ra. nutug ayah antuk arta brana santukan kapialang utawi ngentos ayah-ayah antuk arta brana manut paetangan Desa, manawi kajudi olih sang mawangrat, utawi kaluasan salami 3 - 7 rahina.

Pawos 13

Wusan dados Krama Desa, luwire ;

ha. Sangkaning :

- 1) Pinunas ngeraga, manawi kesah kadura Desa utawi ngalangkungin sagara;
- 2) Kanorayang , duaning sampun tan prasida ngehehin solah maprawerti satata piwal ring pamargin Awig-awig;
- 3) Wusan makrama desa mapiteges wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting.

na. Sang

na. Sang wusan makrama :

- 1) Patut ngaturang karang ayahan Desa, prade karang punika karang Desa;
- 2) Tan polih pah-pahan saking padruweyan Desa;
- 3) Tan polih pasayubab sajronin ala ayu.
- 4) Sang wusan makrama Desa/Banjar prade mawali malih patut nawur saurah-arih tategenan krama manut pararem.
- 5) Sang wusan makrama Desa/Banjar prade mawali malih patut keni pamidanda pahan druwen Desa tur ngamargiang tata titi upakara ring kahyangan tiga manut pararem.

ca. Sang wusan sangkanin kanorayang, prade mawali malih patut:

- 1) muntasang saluwir pamidanda utawi tategenan sane ngranayang kanorayang;
- 2) nunas geng pangampura ring paruman desa maduluran panyangaskara panyapsap kaiwangan duwaning nguwak pasubaya pecak.

Palet 2

Prajuru lan Dulun Desa

Pawos 14

- (1) Desa Adat Bukitjangkrik kaenter olih Bendesa Adat.
- (2) Banjar kaenter olih Klian Banjar.
- (3) Bendesa lan Klian Banjar patut :

ha. mawiwit saking krama ngarep/wed kajangkepin antuk:

- 1) Uning ring aksara latin utawi Bali;
- 2) Uning ring tata titining mawa Desa;
- 3) Uning ring pariindikan Agama lan Adat;
- 4) Laecarya ngayah tur madruwe parilaksana sane rahayu.
- 5) Tan Cedangga .

na. kaadegang malarapan antuk kacatri olih paruman soang-soang nyabran 5 (limang) warsa, sajawaning wenten pariindik tios, tur dados kacatri malih;

ca. maduluran Dewa saksi ring Pura Bale Agung.

Pawos 15

- (1) Bendesa Adat kasanggra olih :
 - ha. Patajuh utawi Pangliman pinaka wakilnya;
 - na. Panyarikan pinaka juru surat;
 - ca. Patengen utawi juru raksa pinaka pangamong druwen Desa;
 - ra. Kasinoman pinaka juru arah.
- (2) Kasinoman akehnya manut kawigunan saha magilir nyabran saih.
- (3) Sajeroning ngenterang kasukertan niskala, Bendesa mingsinghihang Pamangku Kahyangan Desa utawi sang Rumaga Sulinggih.

Pawos

Pawos 16

(1) Swadharmaning Bendesa Adat luwire :

- ha. ngenterang pamargin sadaging Awig-awig miwah pararem Desa;
- na. nuntun tur ngenterang krama rawuhing warga Desa sami ngupadi manut patitis;
- ca. mawosin kalih niwakang pamutus arep ring wicara Desa;
- ra. maka dutta Desa matemuang bawos ring sapa sira ugi.

(2) Prade Prajuru iwang palaksana keni pamidanda nikel ring kaiwangan soang-soang krama, tur dados kararyanang manut pararem.

Pawos 17

Patias utawi olih-olihan Prajuru/Dulun Desa, luwire :

- ha. luput rerampen;
- na. luput papeson artha separo;
- ca. polih tanding tengah;
- ra. upon pacatu/palaba carik/tegal;
- ka. patias sewosan manut pararem.

Pawos 18

(1) Prajuru / Dulun Desa kagentosin riantukan :

- ha. s e d a;
- na. kanorayang dwaning iwang pamargi utawi nilar sesana;
- ca. wit saking pakayun utawi pinunas ngaraga.

(2) Nganorayang utawi ngentosin Prajuru/Dulu-dulu patut sajeroning paruman tur kaingkupin olih Krama Desa.

Palet 3

Indik Kulkul

Pawos 19

(1) Kulkul ring Desa luwire :

- ha. Kulkul ring Kahyangan;
- na. Kulkul Desa;
- ca. Kulkul Banjar;
- ra. Kulkul Sekaa-sekaa.

(2) Tabuh tatepakan kulkul :

- ha. ring Kahyangan Desa, nungtit silih asih rikala wenten Yadnya;
- na. atuludan lambat tengeran tedun ngayah utawi wenten pakaryan;
- ca. tigang tuludan bulus tengeran wenten bhaya;
- ra. tigang kelentungan lambat tengeran wenten kalayu sekaran;
- ka. enem kelentungan lambat tengeran wenten mawiwaha/nganten.

(3)

Pawos 20

- (1) Kulkul Desa utawi Banjar tan wenang katepak yening tan sangkaning pituduh Prajuru Desa / Banjar sajawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mawurug kadanda manut pararem.
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa / Banjar sajawaning tengeran bhaya, prade mamurug taler kadanda manut pararem.

Palet 4

Indik Paruman

Pawos 21

- (1) Paruman/sangkepan ring Desa Adat Bukitjangkrik, wenten :
 - ha. paruman Desa/Banjar, kawentenang :
 - 1) nyabran ngasasih, maka cihna tanpa arah-arah, dwaning sampun tetep panamaya manut pararem, luwire :
 - ha. paruman/sangkepan banjar nemonin rahina Budha Kliwon;
 - na. paruman/sangkepan Desa nemonin Saniscara Kliwon.
 - 2) napkala (padgata kala) maka jalaran arah-arah manut tatujon.
 - na. sangkepan Prajuru/ Dulun Desa, kawentenang manut wiguna;
 - ca. paruman sekaa-sekaa manut pabuat.
- (2) Paruman Desa utawi Banjar madudonan sakadi ring sor :
 - ha. prasida lumaksana risampun katedunin olih sang patut ngamiletin, kamanggala antuk tengeran kulkul miwah mabusana Adat madya, saha tan kalugra makta gegawan sakaluwire, tan maren ngarcana ring Ida-Bhagawan Panyarikan maka sarana Widhi Widana cane;
 - na. tan kalugra ngawetuang suwara gora utawi byota, yaning wenten sakadi punika keni pamidanda beya pacamil kadi dan-daning nguman-uman ring sabha;
 - ca. pamutus babawos beriuk sapanggul (ingkup) gilik saguluk punika kamanggehang.
- (3) Prade pidaging paruman tan kaingkupin mangda Prajuru/Dulun Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga, Prajuru/Dulun Desa wenang nunas ring Sang NgawaWenang.

Pawos 22.....

Pawos 22

- (1) Sajeroning paruman Desa, Bendesa patut nyobyahang pamargin ngenterang Desa, pamekas nganinin indik:
ha. munjuk lungeuring pakraman eaha ayah-ayah, sulur artha brana, druwen Desa;
na. Rarincikan Prajuru / Dulu nganinin usaha Desa kapungkur.
- (2) Pamutus paruman Desa sinanggeh pararem maka pamitegep daging Awig-awig.

f

Pawos 23

- (1) Sangkepan Prajuru/Dulun Desa kawenangang wantah ngarincikang pangerencana usaha Desa kapungkur.
- (2) Sangkepan Prajuru /Dulun Desa tan kawenang ngawedalang tategenan ring Krama eadereng kaingkupin olih Krama Desa.
- (3) Pamutus sangkepan Prajuru/Dulun Desa ngawetuang paswara, maka pidaging pituduh sang Ngawawenang utawi ngonekang pecak pararem krama Desa.

Palet 5

Indik Druwen Desa

Pawos 24

Padruwen Desa Adat Bukitjangkrik sakadi ring sor :

ha. Kahyangan Desa luwire :

- 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.
- 2) Pura Bukit/Pucak.
- 3) Pura Melanting.
- 4) Pura Taman Sari (kaemong olih Subak Jelaung).

na. Wantilan Desa;

ca. Tanah tegalan (manut ilikita);

ra. Karang ayahan Desa;

ka. Setra;

da. Pelaba Pura, carik/tegal (manut ilikita);

ta. Lelanguan, makadi tetabuhan lan ilen-ilen padruwen Desa/
Banjar luwire: Gong, ilen-ilen, miwah padruwen siosan;

sa. Nyasa, sasanti;

wa. Lembaga Perkreditan Desa (LPD).

Pawos 25

Piilih-olihan Desa Adat Bukitjangkrik luwire :

ha. piilih-olihan saking palaba Pura;

na. urunan Krama Desa Adat;

ca. paica saking Guru Wiseesa;

ra. Paica-paica sane tiosan, sane patut;

ka. usaha Desa Adat.

Pawos 26.....

Pawos 26

- (1) Prajuru / Dulun Desa wenang ngetangang pamupon laba Pura lan sapanunggalan druwen Desa.
- (2) Pikolih lan pamuponnya kaanggen prabeya piodalan saha wewangunan ring Pura miwah anggen kabuatan Desa Adat.
- (3) Nyabran pasangkepan Desa, Prajuru /Dulu pangamong druwe desa nguningayang pariindikan munjuk lungearing padruwen ring Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi ngesahang padruwen Desa yan tan kasungkemin olih Krama Desa ring paruman.

Palet 6

Sukerta Pamitegep

Kaping 1

Karang, Tegal lan Carik

Pawos 27

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannya asri.
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal, carik utawi tanah padruweyan ngaraga, sane kapiara wates sisi kelod miwah kauh utawi manut drestha reh punika mawasta gegaleng kateben.
- (3) Prade karasayang pagehan/turus inucap ngalikadin, yen pada arsa panyandinge, kengin watese nganggen pinget kewanten, kasaksinin olih Prajuru/Dulun Desa utawi pracihna pal saking Sang Ngawawenang.
- (4) prade wenten karang kabebeng/embet mangda kautsahayang wenten pamarginnyane manut paigum lan pararem.
- (5) Tan kengin :
 - ha. ngentungang luhu, wangken wewalungan kapakarangan/tegal anak lian, kalih kamargine utawi katukade;
 - na. ngembahang toya wit saking bada wewalungan , kakus, pasiraman miwah sane tiyosan, ka tegal, carik, kamargine utawi katukade sane ngawetuang ambu kawon;
 - ca. Prade wenten sakadi ring ajeng keni pami danda manut pararem.

Pawos 28.....

Pawos 28

Sinalih tunggil Krama Desa/Banjar tan kalugra :

- ha. Ngalah-alah margi, tegal ayahan Desa, karang Desa, lan sapanunggalannya;
- na. ngalah-alah tanah linggih Kahyangan, tegak setra, lan sakancan' linggih sinanggeh suci.

Kaping 2

P e p a y o n a n

Pawos 29

- (1) Ngawit nandur Pepayonan tanem tuwuh patut adepa agung (2,5 meter) ngajeroang saking wates, prade jantos ngaliwat watese. wenang kasepat gantungin.
- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor .
- (3) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring prajuru/Dulu, tur risampun kaparitatas kalugra mademang wit inucap sakewanten patin pepayonan patut katawur manut pangalokika sane nepasin.
- (4) Sang kené pamidanda panyangaskara saha prabeaya manut pararem arep ring wewangunan sang karubuhin, luwire;
 - ha. Sang nruwenang wit sinanggeh mayanin, prade pungkut ngarubuhin wewangunan krama tiyos;
 - na. Sang notor, munggul utawi ngarebah taru tur ngarubuhin krama tiyos.
- (5) Prade wenten wit mentik sajronin wates patut kapademang, mangda tan ngranayang wicara, prade sampun ageng kapademang, wit punika pinara tiga :
 - ha. Apah tiga katur ring sang nruwenang wit.
 - na. Apah tiga katur ring sang penyandingnya.
 - ca. Apah tiga katur ring Desa Adat.
- (6) Krama Desa patut ngamanggehang kawerdian tanem tuwuh sane ngawinang Desane asri. Nanging mangde tan lempas ring tiwakan sáne kasurat ring ajeng, gumanti molihang sarwa tinandur sarwa ripah, sarwa tumuwuh sarwa loh kasobagian.

Kaping 3

W e w a n g u n a n

Pawos 30

- (1) Nyabran ngawangun patut :

ha. masadok.....

- ha. masadok ring Prajuru / Dulu, ping ajeng prade wewangunan nganinin wates;
- na. ngangge eukat asta bhumi miwah gagulak asta kosala - kosali, sanietane manut ring patitis niekala;
- ca. tan nyayubin utawi ngungkulin kapisaga;
- ra. tan dados ngembahang toya wit saking Jempeng/W.C, miwah belengbeng/bada/kandang ka pisaga;
- ka. masidikara ngaryanang Jelinjingan pamargin toya ring sisi teben pakarangan sareng pisaga sane magenah andapan.

- (2) Prade wewangunan Jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar/kabongkar utawi sanietane mangda kakaryanang abangan.

↳

Kaping 4

W e w a l u n g a n

Pawos 31

- (1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih Jantos ngaranjing ngaletihin Kahyangan.
- (2) Prade wenten wewalungan malumbar utawi ngeleb ngarusak pakarangan/pabianan Krama tiyos, risampun kawara dados kataban tur kadanda ngawaliang wit sane karusak saha nawur panebus papiaran tetabanan, manut pangelokika Prajuru/Dulu.
- (3) Prade ngantos ngaletihin linggih suci, minakadi Pamrajan, Pura, lan salanturipun, risampun kaparitasas olih Prajuru/Dulu wenang sang nruwenang kadanda mabuhu agung utawi durmanggala agung (caru eka sata, maduluran tebasan prayascita durmanggala), prade ngaletihin Kahyangan Desa utawi Pura Pemaksan, wenang nyaronin antuk Panca sata makereb itik belang kalung.
- (4) Prade ngaletihin Kahyangan Desa, nanging tan kaparitasas sapa sira sane nruwenang wewalungan inucap, saurah-arih upacaraipun kelaksanayang olih krama desa adat.
- (5) Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah siyosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

Kaping 5

B h a y a

Pawos 32

- (1) Pariindik bhaya, luwire : jiwa bhaya/bhaya ring raga, artha bhaya (kapandangan/kamalingan), dura cara ring Agama.
- (2) Sang manggihin sahanan jiwa bhaya, patut nepak kulkul bulus mapitulung manut pawos 19 (2) aksara ca.

(3) Prade.....

- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman/ngamelmel jatma tiyos, kakenanin pamidanda bhaya pacamil maduluran tebasan prayascita.
- (5) Yaning wenten jatma majengilan ring Bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantoe ngamedalang rah.

Pawos 33

- (1) Sang manggihin kahanan artha bhaya (kamalingan), patut ngukul mapitulung manut ring pawos 19 (2) aksara ca utawi sang kamalingan atur supeksa ring Prajuru / Dulun Desa sane pacang nimbangin utawi nandanin manut pararem. Saha maweweh panyangaskara prade wenten jatma ngamaling barang sinanggeh suci.
- (2) Pratingkahe mapailon ring dusta kabawos saruron utawi sekongkol, prade wenten jatma manggihin maling tan nyadokang ring Prajuru/ Dulun Desa jantos jatma tios nyaduang, patut kadanda kadi dandaning maling, sakuweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.
- (3) Prade wenten jadma ngarereh reramon, minakadi daun kelapa, ron miwah sane siyosan tanpa sadok ring sang nruwenang wit, prade kacunduk/katara patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
 - ha. matengeran suwara (makaukan);
 - na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
 - ca. pamedal karangnya kadagingin sawen, maka cihna pangarah rikala suwung.

Kaping 6

Panyanggran Banjar

Pawos 34

Krama Desa rikala ngawentenang karya suka-duka, patut kasanggra olih Banjar, luwire :

ha. Prade ngawangun Pitra Yadnya utawi Manusa Yadnya, manut pinunas sang mayadnya;

na. Pangarombo.....

- na. Fangarombo utawi karya gotong-royong krama jantos ping tiga, langkungan ring punika patut katuran pangingu;
- ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran pangingu ping kalih.

CATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 35

- (1) Kahyangan Panyiwian ring sawidangan Desa Adat Bukitjangkrik luwire:
 - ha. Kahyangan Tiga, Pura Desa/Bale Agung, Pura Puseh, Pura Dalem lan Prajapati;
 - na. Pura Bukit/Pucak;
 - ca. Pura Melanting;
 - ra. Pura Tamansari.
- (2) Rahina Piodalan ring soang-soang kahyangan inucap, kadi ring sor:
 - ha. Pura Desa/Bale Agung miwah Pura Puseh ring rahina Anggara Kasih Juluwangi;
 - na. Pura Dalem miwah Prajapati ring rahina Anggara Kasih Tambir;
 - ca. Pura Bukit/Pucak ring rahina Anggara Kasih Prangbakat;
 - ra. Pura Tamansari ring rahina Soma Umanis Tolu.
- (3) Pangaci ring Pura inucap manut kecap sastra Agama, saha kalaksanayang nista, madya, utama manut kawentenan lan pararem.
- (4) Pangempon soang-soang Pura inucap siosan ring Pura Tamansari kaempon olih krama Desa Adat Bukitjangkrik. Nganinin indik Pura Tamansari kaempon olih Krama Subak Jelawung.

Pawos 36

- (1) Ring soang-soang Pura inucap patut kaadegang Pamangku;
- (2) Ngadegang Pamangku manut dudonan :
 - ha. Nyanjan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya;
 - na. Turunan utawi waris;
 - ca. Kacatri olih krama Desa.
- (3) Tan kawenangang adegang Pamangku luwire :
 - ha. Cedangga makadi perot, cungh lan sapanunggilan ipun;
 - na. Sang sapa sira ugi sane tan kapatutang manut pararem;

ca. Sakit.....

- ca. Sakit ila, ayan, buduh wiadin edan;
- ra. Sane tan madrebe kasucian urip.

(4) Prabia kapamangkuan :

- ha. Adiksa Widhi (ngawintenin) lanang istri patut kamedalin saha, kalaksanayang olih sang ngadegang, makadi krama Desa utawi pangempon Pura soang-soang;
- na. Mapitra Yadnya riwekas lanang miwah istri patut kasungkemin olih Krama Desa sanistania Nyawa Prateka utawi Brahmaprayascita, panyanggrane manut pararem prade Yadnya inucap kalaksanayang olih wargan sira pamangku.
- ca. Sinalih tunggil krama yan wenten ngipik-ipik sapari polah pamangku, nanging pamangku tan asapunika pari polahnya kadi sane kaipik-ipik, wenang jadma inucap kasisipang nyuciang pamangku, manut pararem.

(5) Pamangku patut ngamadegang sasananing Pamangku luwire :

- ha. Ambek Dharma sadhu;
- na. Asewaka Dharma, makadang sastra utama;
- ca. Tan parek ring naya dustha;
- ra. Tan atayub ring tarub camara yudha;
- ka. Tan manjing ring umah wong baniija karma;
- da. Tan wenang ajajuden;
- ta. Tan manjing ring umah wong drati krama;
- sa. Tan nginum asing angawe mada;
- wa. Tan pati pikul-pikulan;
- la. Tan salah suluh;
- ma. Tan wenang anayub upadrawaning cor, yan mawiyawahara teka wenang madewa saksi;
- ga. Tan griganing wong akweh;
- ba. Tan keneng cuntakaning wong len, sajawanin kulawarganya tunggil natah, utawi pasiwannya manut dresta.

(6) Prade mamurug, wenang Pamangku nyepuhin raga kasaksinin olih Prajuru Desa.

(7) Yan pacang ngawalat rabi wenang ngaturang rumuhun pawintenannya, ring pura genahnya madeg pamangku nguni, tembenya wawu wenang ngawalat rabi, riwus upacaranya wenang ngawana wasa salaminya atahun, wus punika wawu mawinten lakibi kadi pawintenannya nguni.

Pawos 37

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku Kahyangan Desa tiosan utawi nuwur sang sulinggih;
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

Patias utawi olih-olihan Pamangku luwire ;

- ha. Panyolongan miwah sarin canang ring soang-soang pakubon krama Desa;
- na. Upon palaba manut pararem;
- ca. Luput pakaryan, rerampen/reramon, lan padagingan (luput manuk);
- ra. Busana pamangku ngawarsa nuju sasih kasanga;
- ka. Patias sewosan manut pararem.

Pawos 39

(1) Pamangku kagentosin riantukan :

- ha. S e d a ;
- na. Pinunas ngaraga, sangkanin kageringan lan sapanunggalannya;
- ca. Kawusang olih krama sangkanin malaksana sane tan patut.

(2) Prade Pamangku kauwusang sangkaning malaksana tan patut, keni pamidanda manut pararem saha ngawaliang prabiya pawintenannya pecak.

Pawos 40

Kasukertan Kahyangan kadi ring sor :

- ha. Tan kalugra ngaranjing kapura luwire :
 - 1) Sang katiben cuntaka makadi sebel ring raga utawi kapademan;
 - 2) Makta sahanan barang sinaggeh ngaletihin;
 - 3) Sato agung, sajawaning rikala mapapada;
 - 4) Mabusana sane tan patut kadi tatacaraning ngaranjing ka Pura;
 - 5) Sadereng polih wak-wakan (pituduh) Prajuru/Dulun Desa.
- na. Pratingkahe tan wenang ring Pura :
 - 1) Masumpah (cor) sajawaning pituduh Prajuru/Dulun Desa;
 - 2) Wak parueya/wak capala, makobetan, masasenengan, makolem dados aeiki lanang wadon, mabacin, mawarih, macecepin rare, majaljal/majengilan, nyangeang busana, menahin pusungan (santukan punika rikala majajahitan patut magelung busung macingor lidinya);
 - 3) Mungguh tedun palinggih sajawaning pituduh Prajuru/Dulu.
- ca. Sang mamurug kecap ring ajeng keni pamidanda pamrayascita sapatutnya.

Pawos 41

- (1) Yan wenten jadma karawuhan ring Pura, dados kapintonin prade rumasa kasumangsayan, yan tan wiakti, jatma inucap kasisipang manut pararem.
- (2) Prade Kahyangan kahanan durmanggala, minakadi keni bhaya, Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascita sapatutnya.

Palet.....

Palet 2

Indik Resi Yadnya

Pawos 42

- (1) Sang paçang madeg Pandita utawi Pinandita minakadi Balian Sonteng, Kubayan, Dalang, sakaluwiring sane Jagi ngenterang Yadnya patut masadok ring Prajuru Desa utawi Parisadha Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnian nyasar ring kakecap miwah drestane, tur sareng nyaksinin upacaranya saha nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapatmadeg miwah ring pangelepas Sang Sulinggih riwekas katuntun olih Prajuru/Dulu Desa.

Pawos 43

- (1) Sang Sulinggih lan pamangku patut ngariyining muputang ring wawidangan Desa Adat Bukitjangkrik, sasampun punika wawu muputang yadnya kajabar tios Desa utawi kadura Desa.
- (2) Krama desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Padanda utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

ha. Pangupakaran Sang kalayu sekaran :

- 1) antuk ngeseng, makacihna pakinsan ring geni, salami nuptupang prabeys;
- 2) Atiwa-tiwa (upakara pangabenan / palebon).

Pawos 45

Swadharmaning lan tategenan prade wenten sinalih tunggil Krama kalayu sekaran :

ha. Sang kaduhkitan patut :

- 1) nyadokang ring Prajuru/Dulu Desa tur nunas tatimbangan ring kawentenannya;
- 2) ngaturin Banjar ngerombo makarya eteh-ete sawa saha ngater kasetra.
- 3) Prade lampus sangkaning salah pati, ulah pati miwah siosan sakaluwir ipun kengin kabakta budal, pratekannya kasanggra antuk pangulapan, banten panebusan, wawu kangkat upacara yang sakadi patut.

4) Yan

- 4) Yan ana wong istri lampus ngadut manik tan wenang kapendem sadurung bobotannya embas (patut kamedalang duman).
- 5) Prade wenten padem ring pablanan/tegalan, sang maderbe kalayusekaran patut merayascita lan pacaruan sanistaniya amancawarna kalaksanayang ring genah inuap sadereng sasih pitung rahina.
- 6) Prade wenten krama saking sios desa pacang mendem utawi pacang matempung ngaben ring Desa Adat Bukitjangkrik patut keni pananjung batu, panukun setra manut pararem muwah tan polih payangran Banjar.

na. Swadharmaning Banjar/Desa :

- 1) Prajuru Desa/Dulu Desa maritatas pamargin sang kaduhkitan, napike pacang kapendem, makingsan digeni utawi lantur kaabenang;
- 2) Prade kapendem, raris kaswarayang kulkul pamitahu manut pawos 19 (2) aksara ra olih Prajuru/Dulu Desa utawi wakilnya.
- 3) Panyangran Banjar salanturnyane :
ha. soang-soang Krama Banjar nedunang patus beras miwah jinah manut pararem.
na. ngarombo ngaryanin eteh-ete sawa.
ca. sami Krama banjar nganter kasetra jantos puput pamendemane.

ca. Tan kening ngalelet (nyekeh) langkungan ring 7 (pitung) rahina, tur patut polih pagebagan manut paetengan Prajuru/Dulu Desa.

ra. Tan kalugra nginepang bangbang miwah mendem rikala:
Semut sadulur, Kala Gotongan, Pasah miwah rerahinan jagat saha nginggilang panugran padewasan saking Sang rumaga Sulinggih.

ka. Prade wenten kalayu sekaran rikala piodalan, Ida Bhatara ngadeg, mangda digelis mendem tanpa sadok tan nyuarayang kentongan/kulkul tur mamargi wengi sasiliban.

da. Pakingsan ring geni tan kadadosang lintangang ring sasih pitung rahina.

ta. Yanin salamin wenten makingsan ring geni wenten malih kalayusekaran tur pacang kaabenang dadadakan mangda nganutin padewasan sane kalayusekaran riyinan.

sa. Prade wenten sang ayat ngaben dadadakan maderbe pendeman ring setra, kangkat ngagah pendeman punika pacang sareng kaabenang, nanging sang maderbe pendeman punika matunggil natah, punika sane kabawos ngedetin.

wa. Bacakan jadma sane patut wiadin tan patut kaupekara utawi kaabenang luwiripun :

- 1) Rare sadurung mayusa telung sasih tan patut kaabenang.
- 2) Yening sampun mayusa tigang sasih ngantos maketus, patut kaabenang ngalungguh.
- 3) Saking maketus ngantos salantur ipun patut kaabenang.

la. Pamargin pamendeman utawi palebon mangda nganutin sastra lan dresta.

(1) Sane kasinanggeh kacuntaka sakadi ring sor :

- ha. cuntaka antuk kalayusekaran;
- na. cuntaka antuk ngaraja swala;
- ca. cuntaka antuk ngembasang putra;
- ra. cuntaka antuk karuron;
- ka. cuntaka antuk sakit ila, buduh;
- da. cuntaka antuk pawiwahan;
- ta. cuntaka antuk gamia gamana;
- sa. cuntaka antuk salah timpal;
- wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana;
- la. cuntaka antuk mamitra ngalang;
- ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidanaan;
- ga. cuntaka antuk Sad Tatayi.

(2) Sengker cuntaka manut kawentenannya:

- ha. cuntaka kalayusekaran, cuntakanya roras rahina saking swaran kentongan/kulkul;
- na. cuntaka ngaraja swala, tigang rahina ngawit saking ngraja swala utawi salaming ngeraja swala;
- ca. cuntaka ngembasang putra, 42 rahina (asasih pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri;
- ra. cuntaka karuron, cuntakanya asasih pitung rahina (42 rahina) tur sampun matirta pamerayascita lanang wiadin istri;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
- da. cuntaka gamia gamana, cuntakanya nganten sasampune kapala-sang olih krama desa tur sampun kawentenang pamrayascita raga miwah Desa Adat/Kahyangan;
- ta. cuntaka pawiwahan, cuntakanya ngantos sasampune matirta pabiukaonan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenan upakara pabiukaonan, cuntakanya ngantos kawentenan pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidanan, cuntakanya ngantos wenten sane mameras sang putra, lan sampun kawentenang upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamunggahang upacara padwijatian.

(3) Cuntaka kalayu sekaran/kapendem :

- ha. Kapendem cuntakanya :
 - 1) cuntaka/sebel Dadia miwah Banjar ngawit paswaran kentongan/kulkul ngantos 3 rahina riwus mendem/manut dresta utawi sampun polih pamrayascita.
 - 2) kulawarga sajeroning pakarangan miwah sameton sapanunggilan (tugelan) ngantos roras rahina.

na.

na. Kaabenang cuntakanya :
 Sang nyambut karya Pitra Yadnya cuntakanya ngawit saking
 nyambut padewasan karya ngantos wusan mapegat kalanturang
 malih tigang rahina tur sampun maprayascita.

(4) Sane katiben cuntaka luwire :

- ha. Kalayusekaran sane kacuntaka :
 - 1) sang sane kalayusekaran;
 - 2) kulawarganya;
 - 3) babanjaran;
- na. Ngraja awala sane kacuntaka :
 - Sang sane ngrajaawala.
- ca. Ngembas putra sane kacuntaka :
 - Kawulawarganya sane ngembasang putra lanang wiadin istri.
- ra. Pawiwahan sane kacuntaka :
 - Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka :
 - Kawulawarganya lanang wiadin istri.
- ta. Gamia gamana sane kacuntaka :
 - 1) Sang sane malaksana gamia gamana;
 - 2) Kulawarganya;
 - 3) Desa Adat.
- sa. Salah timpal sane kacuntaka :
 - 1) sang sane malaksana salah timpal;
 - 2) kulawarganya;
 - 3) Desa Adat.
- wa. Anak istri mobot nenten kawentenang upacara pabiyakaonan
 sane kacuntaka :
 - Sane maraga istri (sane mobot).
- la. Mamitra ngalang sane kacuntaka :
 - Sane ngalaksanayang mamitra ngalang.
- ma. Ngembas putra nenten kawentenang upacara pabiyakaonan miwah
 upacara pawidiwidanaan, sane kacuntaka :
 - 1) Sang sane ngembasang putra;
 - 2) Putra sane embas.
- ga. Sad Tatayi, sane kacuntaka :
 - Sang sane malaksana Sad Tatayi.

(5) Tan keneng cuntaka, luwire :

- 1) Sang Sulinggih lan Pamangku Kahyangan Tiga;
- 2) Rikala piodalan risampun ngalang sasih/ngalang tengah utawi
 sampun nyuci.

Pawos 47

(1) Atiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa;
- na. Sawa resi, pangabenan mawatang antuk sawa karesyan;
- ca. Swasta, pangabenan mawatang sawa sane tan kakeniang,
 kagentos antuk lalang utawi toya.

(2) Panemayan pangabenan wenten kalih pawos :

- ha. Ngaben dadakan/bah bangun manut pararem;
- na. Ngaben ngamasa, manut pararem yadiastu ring setra wenten
 sawa wantah asiki.

(3) Dudonan.....

(3) Dudonan pangabenan ngawit pangiriman utawi nganyut. saking ngagah (beda), ngeseng ngantos

Pawos 48

- (1) Pepatusan pangabenan wenten kalih pawos :
 - ha. Ngaben dadakan nenten mapatus;
 - na. Ngaben ngamasa manut pararem.
- (2) Pepatusan pangabenan dadakan manut ring pinunaa sang maderbe karya.
- (3) Pangingune ring Krama Banjar manut abot dangan kawentenan karya, miwah patedunan patus manut pararem.

Palet 4

Indik Manusa Yadnya

Pawos 49

- (1) Manusa Yadnya inggih punika upacara-upakara dharmaning kauripan manusa, ngawit saking patemoning kama bang kalawan kama petak sajeroning garbha ngantos kalayusekaran riwekas.
- (2) Upacara ring ajeng madudonan sakadi ring sor :
 - ha. magedong-gedongan duk pangerempinian ibiang;
 - na. duk sang kamareka medal;
 - ca. kepus udel;
 - ra. roras rahina;
 - ka. tutug kambuhan (42 rahina);
 - da. nigang sasihin (3 sasih);
 - ta. pawetuan/otonan/odalan (6 sasih);
 - sa. tutug kelih (ngraaja swala wadone, ngembakin lanange);
 - wa. matatah/mapandes;
 - la. mawiwaha;
 - ma. mawinten.
- (3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 50

- (1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
 - ha. Ring sarwa lelandep rikala Saniscara Kliwon wara Landep;
 - na.

PANCAMA SARGAH
SUKERTA TATA PAWONGAN

Palet 1

Indik Pawiwahan

Pawos 52

(1) Pawiwahan inggih punika patemon purusa lawan pradana, malarapan panunggalan kayun suka lila kadulurin upasaksi sakala niskala.

(2) Pamargin pawiwahan luwire :

- ha. Pepadikan, kamanggala antuk pakrunayan;
- na. Ngarorod, marangkat riyin wawu kakrunayang;
- ca. Nyeburin utawi sentana nyeburin (risampun ngenutin upakara pamerasan).

(3) Pidadab sang pacang mawiwaha patut :

- ha. sampun manggeh daha - taruna (prasida ngenutin Undang-undang);
- na. sangkaning pada lila (tan kapaksa);
- ca. manut kecap sastra Agama (tan gamia gamana);
- ra. kasudiwadani prade pangambile tiis Agama.

(4) Pamargin pawiwahan mangda taler ngenutin Undang-undang Perkawinan sakeng Sang Ngawawenang.

Pawos 53

(1) Pawiwahan sane kapatutang ring Desa Adat Bukitjangkrik, sakadi ring sor :

- ha. sampun kamargiang pabyakalan utawi pasakapan, kasaksiang sakala niskala olih Pandita utawi Pinandita;
- na. wenten pasaksi Prajuru/Dulu-dulu sane mapakelingang utawi ngilikitayang pawiwahan;
- ca. sampun matengeran suwaran kulkul;
- ra. pawiwahan inucap ring ajeng sampun kacatatang ring sang Ngawawenang.

(2) Parabian sane tan manut kadi kecap ring ajeng sinanggeh tan patut.

Pawos 54

Tata caraning parabian patut sakadi sor :

ha. Sapa sira ugi pacang ngawarangang pakulawarganya patut masadok ring Prajuru/Dulu-dulu, salanturnya Prajuru/Dulu-dulu maritatae manut tan manut pamargin parabine;

na. pamargin pepadikan manut dudonan :

1) Pakrunayan jantos ping tiga, saha soang-soang malarapan:

ha.

- ha) kapratame antuk canang/sedah;
na) kaping kalih antuk canang pangrawos;
ca) kaping tiga antuk daksina pajati kabawos pamuput pamadikan.
- 2) risampun puput raris sang istri kaajak budal ring pakubon sang lanang, saha kalanturang antuk pabyakala.
- 3) mangda puput tumus sakala niskala, raris kulawarga purusa makta pajati ring Pamarajan wadone.
- ca. Prade ngarorod/marangkat patut reraman lanange ngawentenang pamilaku/pangenduh antuk duta sakirangnya 2 (kalih) diri.
- ra. Sajeroning pakrunayan/pangalukuan patut :
- 1) kamanggala antuk geng pangampura arep ring reraman wadone;
 - 2) kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyan riwekas;
 - 3) kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
 - 4) prade tan terima pajati, pakrunayan kamargiang jantos ping tiga.
- ka. pakerabkambeyan mapiteges upacara tinas apadang (puput) mapakurenan, dwaning manut sakadi ring sor :
- 1) Sajeroning kabawos ambe, kalaksanayang ring sakala niskala masarana jejauman miwah pawidiwidanaan :
ha) jejauman pinaka ngambe/ngadungang kayun soang-soang pakulawargan wadone;
na) widi widana pinaka pajati niskala nunas wadone ring Pamrajan.
 - 2) Sajeroning bawos kerab mamargi ring sakala :
ha) antuk panyaksi Krama Banjar, dwaning kapabiyang matengeran swaran kulkul;
na) pamekas pasaksi Prajuru / Dulu-dulu sane ngilikitayang.

Palet 2

Indik Nyapian

Pawos 55

- (1) Pawiwahan prasida kawusang malarapan antuk palas perabian utawi kapademan.
- (2) Wusan mapakurenan riantukan salah sinunggil seda mapiteges balu, makadi balu lanang/istri.
- (3) Palas parabian inggih punika sangkaning pada lila mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.

Pawos.....

Pawos 56

Tata cara palas parabian sakadi ring sor:

- ha. pagunakayan polih pahan pada;
- na. pabekel, tatadan soang-soang kakuasa niri-niri, miwah warisan kakuasa olih purusa;
- ca. ngaweruhin miwah ngupajiwani pertisentana manut swadarmaning guru rupaka utawi manut ring panepas sang ngawawenang;
- ra. nawur pamidanda panebasan swaran kulkul manut pararem;
- ka. ngelung jinah logika Prajuru/Dulu;
- da. mapamit ring pamrajan lanange.

Pawos 57

Prade riwekas sang palas kacihna adung malih patut ngalaksanayang pawiwahan malih;

Pawos 58

(1) Sang kasinanggeh balu kabinayang dados :

- ha. balu luh wit sentana (sentana rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin boya sentana.

(2) Swadharmaning balu inucap patut :

- ha. ngamanggehang patibrata tan kengin ngamargiang paradara/dрати krama;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan, olih pianak utawi kulawarga pinih tampek sakeng kurenannya prade pianaknyane kantun alit-alit;
- ca. kengin ngidih sentana prade wenten pidabdab sadurung sinalih tunggil padem, saha kabebasan olih kulawarga sakeng purusa;
- ra. kawenangang mawiwaha malih prade wenten kabebasan manut angka/aksara ring ajeng.

Pawos 59

Balu kaucap tan pageh sakadi ring sor :

- ha. dratikrama utawi paradara;
- na. matilar saking pakubon tanpa sadok jantos 6 (nem) saasih;
- ca. lempas ring swadharma sewosan tan praeida ngehehin solah mapra-werti arep ring pituduh sane patut sakeng kulawarga purusa.

Palet 3

Indik Sentana

Pawos 60

(1) Sentana wenten kalih pawos, sane kaucap pratisentana miwah sentana paeperasan.

(2).....

- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut, ngawetuang sentana mangda tan kantun kawastanin babinjat utawi astra patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur sampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :

- ha. Pratisentana wadon tunggal;
- na. Sampun kamanggehang dados pratisentana lanang (purusa);
- ca. Kapawiwahang kaceburin kautamayang olih jadma sane ma agama hindu utawi jatma sane ma agama tiyosan sane sampun ngalaksanayang pamarisuda raga utawi sudhiwadani;
- ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 61

- (1) Ngangkat sentana manut dudonan patut makacihna artha brana pamerasan sane kesaksiang sakala-niskala;
- (2) Sapa sira ugi krama pacang ngidih sentana patut masadok ring Bendesa sanistanya 3 (tigang) sasih sadereng pamerasan. Bendesa ngalanturang pakarsa punika ring sang ngawawenang;
- (3) Bendesa kawakilin olih Klian Banjar nyobyahang ring sawidangin Desa, sang sapa sira ugi rumasa tan lila mangda nyadokang masenger tigang sasih sabanen pamerasan ring Bendesa Adat;
- (4) Prajuru/Dulun Desa digelis mawosin saha ngicenin pamutus nepek ring catur dresta miwah pararem;
- (5) Prade sulur paperasan tan manut kadi kecap ring ajeng, Prajuru/Dulun Desa wenang ngandeg sang pacang mameras saha ngicenin pamutus mangda kapuputang riin babawos sulur utawi wicaranya.

Pawos 62

- (1) Paperasan sane kapatut ring Desa Adat Bukitjangkrik risampun makacihna :
 - ha. Widi-widana paperasan;
 - na. Kasaksinin olih prajuru Desa sane makelingang utawi ngilikitayang.
 - ca. Kasobyahang ring wawidangan Desane.
- (2) Sane kapatut peras angge sentana kadi ring sor:

ha. jatma.....

- ha. Jatma ma agama Hindu;
 - na. papernahan nedunang saking sang meras;
 - ca. Kulawarga saking purusa, prade tan wenten kengin saking wadon, yaning taler tan wenten wawu kengin sakama-kama (saking kayun);
 - ra. Kautamayang saking waris pancer kapurusa;
 - ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambil anak tiyos sakewanten sang ma agama Hindu.
- (3) Kengin ngangkat sentana langkungan ring adiri, lanang widadin wadon, prade ngangkat sentana lanang wadon, nenten dados kapawiwahang.

Palet 4

Indik Warisan

Pawos 63

- 1) Warisan inggih punika tetamian artha brana saha ayah-ayah ngupadi kasukertan sakala lan niskala saking kaluhurannya arep ring turunannya.
- 2) Kang sinanggeh warisan luwire:
 - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggilannya;
 - na. Pamerajan;
 - ca. Pagunakaya, tadtadan/jiwa dana, utang piutang.
- 3) Wawu kengin kabawos warisan prade wenten :
 - ha. Sang mapiturun (pawaris) ;
 - na. Katurunan (ahli waris) ;
 - ca. Artha brana miwah tategenan makacihna warisan.

Pawos 64

- 1) Ahli waris luwire :
 - ha. Pratisentana purusa ;
 - na. Pratisentana pradana (sentana rajeg);
 - ca. Sentana paperasan lanang/wadon.
- 2) Prade tan wenten sakadi ring ajeng, kang sinanggeh ahli waris :
 - ha. Turunan purusa pernah ngunggahang, rerama lanang, pekak miwah salantur ipun rerama misan, mindon;
 - na. Turunan purusa pernah kasamping makadi kaponakan misan, mindon.

Pawos 65

- adharmaning alih waris patut :
- . Nerima saha nguasayang tetamian pahan saking kaluhurannya, makadi ngarempon sanggah, Pura saha pangupakaranya miwah nyelidihinin ayah-ayahan pawaris;
 - . ngabenang pawaris saha ngalanturang upacara-upakara pitra.
 - . Nawurin utang-utang pawaris sane manut pangelokika.

Pawos.....

Pawos 66

pangepahan waris manut sakadi ring sor :

- ha. Risampun kalaksanayang Pitra Yadnya lan utang-utang pawaris buntas katawur;
- na. Para ahli waris polih pah-pahan pada sangkaning pagunakayan, sajawaning karang / tegal, ayahan Desa kaamong olih ahli waris kang sinanggeh Krama ngarep;
- ca. Sinalih tunggil ahli waris kengin tan polih pahan prade:
 - 1) Nilar kawitan lan sesananing Agama;
 - 2) Alpaka guru rupaka;
 - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- ca. Boya ahli waris kengin muponin hasil manut dudonan luwire :
 - 1) Sentana luh salami dereng kesah mawiwaha utawi tan alpaka guru rupaka, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon;
 - 2) Balu luh wiadin muani nyeburin (soang-soang boya sentana);
 - 3) Mulih deha utawi taruna, riantukan ring pawiwahan pecak sampun kabawos ninggal kadaton.
- a. Pawaris kengin maweweh rikala maurip pinaka Jiwa dana, tatadan/bekel, makacihna paweweh tetep ring pianak sane kesah mawiwaha.

Pawos 67

- 1) Prade sajeroning pakulawargan wenten ahli waris langkungan ring adiri patut :
 - ha. kawentenang paigum indik pedum waris inucap;
 - na. yan tan prasida katunasang tatimbangan ring Prajuru (Kertha Desa);
 - ca. prade taler tan wenten cumpu ring panepas Kerta Desa, kengin katumusang ring sang Rumawos.
- 2) Prade karang inucap kaputungan, patut Prajuru/Dulu-dulu nibakang ring :
 - ha. sang sinanggeh ahli waris manut pawos 64;
 - na. sang kengin anggen sentana manut pawos 62 angka (2) miwah angka (3);
 - ca. prade taler tan wenten cumpu ring panepas Kertha Desa, kengin katumusang ring sang Rumawos.
- 3) Prade jantos karang Desa kaepah utawi kasepih, patut soang-soang nedunin makrama Desa ngarep.

SAT SARGAH
WICARA LAN PAMIDANDA

Palet 1

Indik Wicara

Pawos 68

- (1) Sane wenang mawosin makadi mutusang wicara ring Desa inggih punika Prajuru/Dulu Desa sinanggeh Kertha Desa.
- (2) Tata dudonan mawosin saha muputang wicara warga desa kadi ring sor :
 - ha. Kaping ajeng kabawosin olih Kelihan Banjar.
 - na. Tan cumpu ring panepas Kelihan Banjar, karerehang pamutus ring paruman banjar.
 - ca. Prade tan cumpu ring pamutus Banjar, katumusang ring Bendesa Adat lan Kertha Desa.
 - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- (3) Prade sang mawicara tan wenten cumpu ring pamutus paruman desa lan Kertha Desa, kengin nunasang wicara inucap ring sang Rumawos.

Pawos 69

- (1) Sahanan wicara mawiwit kacorahan sakaluwire sinanggeh nungkasin daging Awig-awig, pararem miwah paswaran Desa/Banjar, Prajuru / Dulu patut digelis mawosin tan nyantos pasadok.
- (2) Sajaba kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa/Banjar wenang niwakang pamidanda ring warga Desa/Banjar sane sisip.
- (2) Paniwak inucap kalaksanayang olih Bendesa/Klian Banjar.
- (3) Bacakan pamidanda luwire :
 - ha. ayahan panukun kasisipan;
 - na. danda arta;
 - ca. kanorayang;
 - ra. panyangaskara.

(4) Pamidanda.....

- (4) Pamidanda sane katiwakang patut masor singgih manut ring kasisipanya.
- (5) Jinah utawi raja brana pamidanda ngaranjing dados druwen Desa/Banjar.

Pawos 71

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor :
 - ha. Kalaksanayang olih Prajuru kasarengin olih Krama saakeha 3 (tigang) diri maka saksi;
 - na. Sang ngarampang sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
 - ca. Prajuru/Dulu miteketang mangda barang-barang sane karampag digelis katebus masenger asasihlangkungan ring punika barang-barang punika pacang kaadol;
 - ra. Prade wang sane karampag nenten pisan maderbe barang-barang sane antes karampag wenang wang sane mautang punika ngawaliang utangnyane nyicil manut pararem;
 - ka. Tan kengin ngarampang barang sane patut inggilang manut agama miwah tan ngamademang jiwa dana utawi pangupa jiwa sang karampag.

Pawos 72

- (1) Prade sang pacang karampag ngawara (ngalangin) palaksanaan inucap wastu sampun tan nganutin Awig-awig Desa wenang Karang Desa sane kagenahin kadaut olih Desane.
- (2) Samaliha yan purun taler ngalangin palaksanaan kadi ring ajeng tan wenten pamargi sajawaning kasepekang olih Krama Desane, minakadi nenten polih arah-arahan saluwiring patedunan krama.
- (3) Pamidanda inucap ring ajeng prasida buntas risampun sang kakenin :
 - ha. nunas geng pangampura ring Krama Desa riantukan nguak pasubaya (pararem) pecak;
 - na. nawur pangargan panguak pasubayane duk pacang karampag kadulurin pamrayascita panyapeap kaiwangan ring Desa.

SAPTAMA SARGAH

NGUWAH NGUWUHIN AWIG - AWIG

Pawos 73

- (1) Nguwah-nguwuhin Awig-awig Desa Adat Bukitjangkrik puniki kalaksanayang ring paruman Desa.

(2) Awig.....

- (2) Kasinanggeh parum yanin sampun kasarengin olih kalih pah tiga saking akeh krama sane patut ngamiletin.
- (3) Wawu kasinanggeh sah yanin sampun kacumponin olih atenga langkung adiri saking krama sane ngamiletin.
- (4) Awig-awig puniki kamargiang ngawit kaingkupin (kararemin).

Pawos 74

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane dereng kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.


ASTAMA SARGAH

SAMAFTA


Pawos 75

- (1) Awig-awig puniki kararemin duk rahina Anggara Kliwon, Juluwangi pananggal/pang 13 sasih kaenem isaka warsa 1921 tanggal 21 bulan Desember tahun masehi 1999 ring Bukitjangkrik.
- (2) Awig-awig puniki kalingga tanganin olih Bendesa lan Prajuru Adat, saha kasaksinin olih Prajuru Dinas.
- (3) Luwir sang ngalingga Tanganin :
ha. Kaprathama Prajuru Adat :



1. Bendesa Adat Bukitjangkrik




I NYOMAN SUMA ANTARA




Panyarikan Desa adat
Bukitjangkrik

I KETUT SUWITA

na. Kalih Prajuru Dinas pinaka saksi :


Kecamatan Lingkungan
Bukitjangkrik

I MADE SUPRAPTA


Kecamatan Samplangan
Kabupaten Gianyar
LURAH
SAMPLANGAN

PANDE MADE SUWEDA
Kec. Gianyar 010 156 405

3. Camat.....



Gianyar.

CAMAT GIANYAR

NIP. 010 182 657

[Signature]
R. GAGA ADI SAPUTRA

Mengetahui dan telah dicatatkan

Pada tanggal : 15 Desember 1999
N o m o r : 20 Tahun 1999

BUPATI KEPALA DAERAH TINGKAT II GIANYAR



[Signature]

TOKORBA BUDI SURYAWAN, SH.

** Murdaning Pamikukuh.

-----SETIA-----